



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 17. Caraffa Cardinalis unacum Strozio in Gallias profectus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

gno in honore habitus Hispanis palam adversaretur. Hic idem tum intentus erat, ut civitatem veterem, Antium (*) & Palianum, quibus urbibus Columnnes nuper fuere spoliati, propugnaculis firmaret, quocirca adductis muniendarum civitatum peritis loca, quæ pro munimentis ibi exstruendis apta erant, designabat, ac Palianum annona, aliisque ad sustinendam obsidionem necessariis, si forte Columnnes hanc urbem aggredi molirentur, instruere jubebat, nam hisce propugnaculis summus Pontifex re ipsa ditionis Ecclesiasticæ fines ab hostili Neapolitanorum incurfu securos reddere satagebat.

Sæcul. XVI.
A.C. 1556.

§. XVII.

Caraffa Cardinalis unacum Strozio in Gallias profectus.

Quamprimum Strozius Pallianum validis ubique munimentis firmasset, confestim ad Caraffam Cardinalem Romam contendit, atque ambo Centumcellas, seu civitatem veterem versus viam aggrediebantur, comitantibus eos
quam

(*) Hæc urbs hodie Neptunum vocatur, exiguum oppidum ex Antii ruinis constructum, ac decimo lapide a Terracina distitum.

Sæcul. XVI.
A. C. 1556.

quam plurimis Proceribus, ac Nobilibus, qui hujus itineris focii esse certabant: Itaque Centumcellis portu solvantes Massiliam versus navigant, deducente eos Paulo Jordano Urfinæ Familiæ Principe unacum octo triremibus, quarum nonnullæ ad Galliarum Regem, aliæ vero ad ipsum summum Pontificem pertinebant. Cardinalis ergo Caraffa cum amplissimo comitatu in Francia appulsus Fontem-bellaqueum venit, ubi Aulam in factiones scissam experiebatur; quippe Montmorantius Connestabilis jam senio gravis innata prudentia, cum de belli exitu sinistre ominaretur, pacem suadebat, eoque consilio, cum Lotharingius Cardinalis Romanam profectus superiore anno abesset, res ad concordiam per inducias adduxerat, adjutus in eo negotio maxime a Caspate Colinio maris præfecto sororis fratre: verum Guisianæ Domus Principes juvenili ætate ferventes, dum Imperii militaris ultra modum cupidi per novos motus armorum potentiam ad se attrahere conabantur, consilia pacis respuebant: Porro Regis animus erat anceps, quamvis aliunde ob felices armorum successus ad Guisiorum consilia magis propenderet: tandem vero hærentem Henricum ad arma impulit Catharina Medicæa ejus conjux, quæ bellum

bellum Italicum continuari peroptabat, ut Petro Strozio sibi cognatione juncto supremum exercitus imperium procuraret: præ reliquis tamen Valentina Ducissa Guisianæ familiæ affinis, eo quod ejus filia Aumelio Duci nupta esset, longe maximum momentum afferebat; illa enim sibi persuasum habebat, quod ad augendam familiæ suæ gloriam, potentiamque ejusmodi bellum peropportunam subministraret occasionem.

§. XVIII.

Cardinalis Caraffæ colloquium cum Galliarum Rege.

Rebus ita dispositis Caraffa Regem adit, eique tanquam Romanæ Ecclesiæ, sedisque Apostolicæ defensori nomine Pontificis gladium, pileumque a Papa de more sacratum, non sine ingenti pompa, & magnificentia offert. Postea ad privatum Regis alloquium admittitur, quo in statu res Romana, ac familiæ suæ fortuna fit, demonstrat: ex quo, inquit: „Patruus meus in summum Pontificem electus est, atque ergo gubernaculis admotus sum, Christianissime Rex, nihil antiquius habui, quam ut tibi, cui fidam operam antea bello Parmensi, & Etrusco navaveram, demum Pontificem conciliarem, & efficerem, ut te is, spreto Cæsare, „ &

Sæcul. XVI.
A.C. 1556.

Thu l. c.
Pallav. c. 19.
n. 5.
Belcar. com.
l. 27. n. 19.